

Ganztägige Schulformen

Schulische Tagesbetreuung in Tirol

Oblici cjelodnevne škole – popodnevni boravak u školama Tirola

Informativni letak (*Merkblatt*)

Popodnevni boravak u školi (*schulische Tagesbetreuung* - **STB**) nudi se, prema potrebama roditelja, u odvojenom ili kombinovanom obliku (u nekim školama se nude obje forme). Škola koja nudi popodnevni boravak (u nastavku STB), naziva se cjelodnevnom školom (*Ganztagschule* -**GTS**).

Prijava (*Anmeldung*)

U slučaju da kao roditelji tj. staratelji, želite prijaviti svoje dijete za popodnevni boravak u školi, molimo da predate prijavu tj. digitalno istu pošaljete u direkciju škole, najkasnije do **03. marta 2025.** god. Organizacija boravka će zavisti od broja prijava učenika.

Važne napomene (*Wichtige Hinweise*):

- Kod prijave za početak, nije potrebno navoditi koliko i kojim danima u sedmici /tjednu za Vaše dijete trebate zbrinjavanje u popodnevnom boravku u školi. Morate samo naznačiti, da li će dijete trebati biti zbrinuto minimalno jednom sedmično/tjedno.
- Ovaj upitnik i prijave u školama se mora sprovesti, čak iako je u vašoj opštini/općini ponuđena druga vrsta za popodnevno zbrinjavanje učenika (kao npr. produženi boravak u vrtiću i za djecu koja pohađaju školu ili „Hort“).
- Ako se prijavljeni broj učenika u mjestu može zbrinuti u već postojeći produženi boravak („hort“ i vrtić), mjesne vlasti ne moraju ponuditi popodnevnik boravak i u školi. Inače, mogu biti oragnizovane različite grupe po uzrastu djece u datim okolnostima.

U kom slučaju će popodnevni boravak biti ponuđen u školi?

(Wann kommt eine Tagesbetreuung zustande?)

Mjesne vlasti mogu na **dobrovoljnoj bazi odlučiti**, da li će škola u mjestu biti cjelodnevna, u slučaju kada se prijavi ukupno 7 učenika za popodnevni boravak (ili 3 učenika u posebnoj školi). **Popodnevni boravak u školi mora biti organiziran, kada se prijavi 15 učenika**, neovisno od toga za koji dan boravka, i na koliko dana u sedmici/tjednu su djeca prijavljena. U slučaju kada su mjesne/općinske/opštinske vlasti, zadužene za više škola, moguće je i za manji broj učenika (npr. 12 prijava) ostvariti ovaj vid boravka djece u školi.

Predviđene aktivnosti tj. dnevna rutina (Tagesablauf)

Popodnevni boravak u školi sadrži vrijeme predviđeno za **ručak, učenje i slobodno vrijeme**. U toku učenja i izrade domaćih zadatka, nadzor nad djecom ima nastavno osoblje. U vrijeme ručka i slobodnih aktivnosti učenici mogu biti pod nadzorom istih, ili pak pedagoga i odgajatelja koji ne predaju u nastavi.

Cijena (Kosten)

Mjesne vlasti određuju na početku školske godine **visinu cijene za zbrinjavanje i ishranu učenika**. Vrijeme u kojem djeca uče, i rade domaće zadatke, ne uračunava se u cijenu boravka „STB“.

- Cijena boravka se može reducirati, ako učenici provode sedmično samo pojedine dane u boravku. Maksimalna granica u tom slučaju predviđa pokrivanje osnovnih izdataka.
- Troškovi ishrane (cijena ručka umnožena brojem dana u boravku) biće obračunati od mjesnih vlasti i pokriveni uplatom za popodnevni boravak u školi od strane roditelja.
- Mjesne vlasti mogu odustati od naplate cjelokupnog ili djelimičnog iznosa, u odnosu na primanja, imovinsko stanje ili familijarne konstalacije.

Sada imate mogućnost **prijaviti dijete** u popdnevni boravak, za **narednu školsku 2025./`26. godinu!**

Odjava od popodnevnog boravka u školi je moguća samo na kraju datog semestra.

Detaljnije informacije:

[Ganztagsschulen und schulische Tagesbetreuung | Bildungsdirektion für Tirol \(bildung-tirol.gv.at\)](https://bildung-tirol.gv.at/Ganztagsschulen_und_schulische_Tagesbetreuung)

Za pomoć i kod nejasnoća obratite se direkciji škole.